



閩／懷想／★★★★

寒人(kuân--lâng)會當變啥

開春的節氣，生成會一半日仔歹天，若莫傷捷猶會擋得，盍會知影一落個外月的烏寒雨，干焦聽簾簷絞沓沓滴滴的水聲，就活欲齷死，絞滲手滲，早都無想欲振動矣，閣較免講是外口凍甲撼撼鑽的風雨。手揜尻脊後，倚跼門喙看澹糊糊的稻埕、田岸，目頭直透結來，閣捎無總，才是煩。

年尾、年頭的歇暍，應該有時有陣，才是正板的，拖久無穡通做，人就會貧慵懶屍，現現放佇外口拋荒的穡頭，甲若無人會共咱偷做，寧可較認份咧，幔棕簑、戴笠仔拏來罔做，才袂閒閒食了米。

便有閩縫，隨愛去崙仔頭荊菅尾林，共菅蕒放予倒，聽候好天，曝予小可半澹焦的時，放火燒來種番薯。舞這款粗工課，論真來講是無蓋快活，上佳哉的是這款種番薯的新地，頭一回的收成，決定誠嬌，暢甲袂顧得；較害的是，全一塊地，逐冬種作，收成會愈來愈穰，極加是三冬，隨愛徙位去別搭；全款是荊菅尾林、好天放火燒、種番薯藤……這齣工課。

另外，落雨天剉桂竹轉來厝裡，先共齷齷的竹目削紬，篾青輕仔副起來，用柴刀破做幼幼平大的「香跤」。彼時槓仔寮街仔有人咧做「香」，會專工入來收，價數無佻好；總是，庄跤人無地賺食，加減趁才袂散。

有恰幼嬰的查某人，就較無全矣，一日到暗烘尿巾仔是上硬篤的工課；啊若做針甯(tsi)顛倒較輕可，共舊衫仔褲的線袞拆開，紩做囡仔的肚綰褲仔，有留屨鳥空，也有無留的，有連褲絞尾，也有無的，布若無夠用，就窮(khîng)花巴里貓的布幼仔隨片仔接，親像八寶衫按呢，有通穿就袂穰矣，無人會嫌。

作者：藍春瑞

☆詞彙學習☆

【齷死】tsak--sí：煩死人

【滲】gàn：冰冷

【撼撼鑽】ui-ui-tsng：痛得像針刺

【正板】tsiann-pán：正規

【荊】phut：砍

【菅尾林】kuann-bué-nâ：芒草林

【決定】kuat-tīng：一定

【極加】kik-ke：最多、頂多

【齷齪】giàng-giàng：不平緩、凸出

【紬】iu：光滑平順

【篾青】bih-tshenn：竹仔青綠的外皮

【線袞】suànn-pôo：布邊的縫線

【肚綰】tóo-kuānn：肚兜

【八寶衫】pat-pó-sann：百衲衣